

Broj: 06-11-94/2023-R-4-6
Sarajevo, 13.07.2023. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br. 39/14 i 59/22), sekretar Vlade Federacije Bosne i Hercegovine, **d o n o s i**

O D L U K U
**O PONIŠTENJU POSTUPKA JAVNE NABAVKE ROBA – NABAVKA MREŽNE OPREME ZA
POTREBE GENERALNOG SEKRETARIJATA VLADE FEDERACIJE BOSNE I HERCEGOVINE**

I.

Poništava se postupak javne nabavke: Otvoreni postupak za javnu nabavku roba - nabavka mrežne opreme za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-94/2023-R-4-1, broj Obavještenja o nabavci sa Portala javnih nabavki: 854-1-1-52-3-21/23 od 09.06.2023. godine, Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 43/23, s obzirom da jedina dostavljena ponuda nije prihvatljiva.

II.

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine, u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-94/2023-R-4 od 05.06.2023. godine. Javna nabavka provedena je putem Otvorenog postupka. Ukupna procijenjena vrijednost nabavke iznosila je 200.000,00 KM bez PDV-a.

Obavijest o nabavci, broj: 854-1-1-52-3-21/23 poslana je na objavu 09.06.2023. godine, te je istog dana objavljena na portalu Javnih nabavki. Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 43/23.

Tendersku dokumentaciju su preuzela 33 (tridesettri) privredna subjekta, a 1 (jedan) ponuđač dostavio je ponudu u predmetnom postupku nabavke.

Ponuda je blagovremeno pristigla. U skladu sa provedenim predmetnim postupkom javne nabavke, ponudu je dostavio sljedeći ponuđač: KING ICT d.o.o. Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-95/2023 od 22.02.2023. godine, izvršila je pregled i ocjenu ponude, te konstatovala da je ponuda neprihvatljiva.

Ponuda ponuđača KING ICT d.o.o. Sarajevo odbačena je iz sljedećih razloga:

- u Aneksu 3 - OBRAZAC ZA CIJENU PONUDE – ROBE (MREŽNA OPREMA)
- u tabelarnom prikazu pod rednim brojem 1. SWITCH TIP 1 LAYER3 u rubrici "Tehnička specifikacija", između ostalog, traženo je: „IP unicast routing protokoli: RIPv1, RIPv2, RIPvng, OSPF“, „IPv4 direktne rute: minimalno 24000“, „IPv4 indirektnih rute: minimalno 8000“.

Pregledom ponude, odnosno tehničke specifikacije, konstatovano je da je ponuđač ponudio uređaj Cisco switch C9300 24T sa licencama Network Essentials i DNA Essentials. Uvidom u dostavljenu detaljnu tehničku dokumentaciju (str. 18. i 31. Ponude) konstatovano je da ponuđene licence (Network Essentials i DNA Essentials) podržavaju routing protokol OSPF - 1000 ruta, što predstavlja ograničenje ponuđenih licenci u odnosu na traženi broj ruta u tehničkoj specifikaciji i da uređaj podržava OSPF (bez ikakvih ograničenja). Takođe, na zvaničnoj web stranici proizvođača Cisco, navedeno je da su podržani protokoli na switch-u ili switch stack-u određeni softverom koji radi na aktivnom switch-u. Ako aktivni switch koristi licencu Network Essentials, podržani su samo default rutiranje, statičko rutiranje i RIP. Svi ostali protokoli rutiranja zahtijevaju licencu Network Advantage.

- u tabelarnom prikazu pod rednim brojem 2. SWITCH TIP 2 LAYER2 u rubrici "Tehnička specifikacija", između ostalog, traženo je: „IP unicast routing protokoli: RIPv1, RIPv2, RIPv6, OSPF“, „IPv4 direktne rute: minimalno 14000“, „IPv4 indirektne rute: minimalno 4000“.

Pregledom ponude, odnosno tehničke specifikacije, konstatovano je da je ponuđač ponudio uređaj Cisco switch C9200 48T sa licencama Network Essentials i DNA Essentials. Uvidom u dostavljenu detaljnu tehničku dokumentaciju (str. 18., 19. i 93. Ponude) konstatovano je da ponuđene licence (Network Essentials i DNA Essentials) podržavaju routing protokol OSPF - 1000 ruta, što predstavlja ograničenje ponuđenih licenci u odnosu na traženi broj ruta u tehničkoj specifikaciji i da uređaj podržava OSPF (bez ikakvih ograničenja).

Nakon izvršenog pregleda i ocjene ponude, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-94/2023-R-4-5 od 12.07.2023. godine i preporuku za donošenje odluke o poništenju postupka.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđač koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine, putem Ugovornog organa – Generalnog sekretarijata Vlade Federacije Bosne i Hercegovine u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.

Dostaviti:

1. Ponuđaču u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove



SEKRETAR VLADE

mr.sc. Edita Kalajdžić